

至所居房舍一如人家。但出門後。回顧則不見耳。一夕飲狐家。婦出行。酒色甚妍麗。此人醉後心蕩。戲按其腕。婦目狐。狐仙晚笑曰。弟乃欲作陳平耶。亦殊不怒。笑謔如常時。此人歸後。一日忽家中客作。控一驢。送其婦來。云得急信。君暴中風。故借驢倉皇連夜至此。人夫駭。以為同伴相戲也。旅舍無地容眷屬。呼客作送歸。客作已自去。距家不一日。程時甫辰。乃自控送歸。中途遇少年與婦摩肩過。手觸婦足。婦怒詈。少年惟笑謝。語涉輕薄。此人憤與相搏。致驢驚逸。入歧路。蜀秫方茂。斯須不見。此人捨少年追婦。尋跡行一二里。驢陷渾中。婦則不知所往矣。野田連陌。四無人踪。徹夜奔馳。旁皇至曉。姑騎驢且返。再昏。覓婦未及數里。聞路旁大呼曰。賊得矣。則鄰村驢昨夜被竊。方四出緝捕也。衆相執縛。大受箠楚。賴遇素識。多方辯說。始得免。懊喪至家。則紡車環然。婦方引線。問以昨事。茫然不知。始悟婦與客作及少年皆狐所幻。惟驢為真耳。狐之報復惡矣。然覺則此人自啟也。

艾孝子

呼與語。詢得其故。為之感泣。引至家。款以酒食。俄有梓人攜具入。計其年與父相等。子誠心動。諦審其貌。與母所說畧相似。因牽裾泣涕。具述其父出亡年月日。縷述家世及戚黨。冀其或是。是人且駭且悲。似欲相認。而自疑在家未有子。子誠具陳始末。乃嗷然相持哭。蓋文仲輾轉逃避。乃至是地。已閱四十餘年。又變姓名為王友義。故尋訪無迹。至是偶相遇也。老父感其孝。為之謀歸計。而文仲流落久。多逋負。滯不能行。子誠乃踉蹌奔還。質田宅。貸親黨。得百金。再往。竟奉以歸。歸七年。以壽終。子誠得父之後。始娶妻。今有四子。皆勤儉能治生。昔文安王原尋親萬里之外。子孫至今為望族。子誠事與相似。天殆將昌其家乎。子誠佃種余田。所居距余別業僅二里。余重其為人。因就問其詳。而書其大畧如右。俾學士大夫知隴畝間有是人也。時癸丑重陽後二日。案子誠求父多年。無心忽遇。與宋朱壽昌尋母事同。皆若有神助。非人力所能為。然精誠之至。故哀感幽明。雖謂之人力亦可也。

灤陽續錄

紀昀

寶坻王泗和。余姻家也。嘗示余書艾孝子事一篇。曰艾子誠。甯河之艾鄰邨人。父文仲。以木工自給。偶與人鬪。擊之。踣。誤以為死。懼而逃。雖其妻莫知所往。第髣髴傳聞。似出山海關爾。是時妻方娠。越兩月。始生子誠。文仲不知已有子。子誠幼鞠於母。亦不知有父也。迨稍有知。乃問母父所在。母泣語以故。子誠自是惘惘。若有失。恆絮問其父之年齒狀貌。及先世之名字。姻婭之姓氏。里居。亦莫測其意。姑一一告之。比長。或欲妻以女。子誠固辭曰。烏有其父流離。而其子安處室家者。始知其有志於尋父。徒以孀母在堂。不欲遠離耳。然文仲久無音耗。子誠又生未出里閭。天地茫茫。何從踪跡。皆未信其果能往。子誠亦未嘗議及斯事。惟力作以養母。越二十年。母以疾卒。營葬畢。遂治裝裹糧。赴遼東。有沮以存亡難定者。子誠泣然曰。苟相遇。生則共返。歿則負骨歸。苟不相遇。甯老死道路。間不生還矣。衆揮涕而送之。子誠出關後。念父避罪亡命。必潛踪於僻地。凡深山窮谷險阻幽隱之處。無不物色。久而資斧既竭。行乞以餬口。凡二十載。終無悔心。一日於馬家城山中。遇老父。哀其窮餓。

柳青

斷天下之是非。據禮據律而已矣。然有於禮不合。於律必禁。而介然孤行其志者。親黨家有婢名柳青。七八歲時。主人即指與小奴益壽為婦。迨年十六七。合婚有日。益壽忽以博負逃。久而無耗。主人將以配他奴。誓死不肯。婢頗有姿。主人乘間挑之。許以側室。亦誓死不肯。乃使一媪說之曰。汝既不肯負益壽。且暫從主人。當多方覓益壽。仍以配汝。如不從。即鬻諸遠方。無見益壽之期矣。婢暗泣數日。竟俯首薦枕席。惟時時促覓益壽。越三四載。益壽自投歸。主人如約為合。合昏之後。執役如故。然不復與主人交一語。稍近之。輒避去。加以鞭笞。并賂益壽。使逼脅。訖不肯從。無可如何。乃善遣之。臨行以小篋置主人前。叩拜而去。發之。皆主人數年所私給。纖毫不缺。後益壽負販。婢縈紉。拮据自活。終無悔心。余乙酉家居。益壽尚持銅磁器數事來售。頭已白矣。問其婦云。死。異哉。此婢不貞不淫。亦貞亦淫。竟無可位置。錄以待君子論定之。

滄洲吳家莊